

Administrasyon Sekirite Sosyal (SSA) Avi pou anplwaye konsènan non-konfimasyon pwovizwa (Avi TNC)

Pou anplwaye nan Biwo SSA: Itilize EV-STAR epi gade nan POMS RM 10245.005ff

Non anplwaye a		Prenon anplwaye a	
Nimewo sekirite sosyal anplwaye a		Mwa/Ane nesans anplwaye a	
Dat non-konfimasyon pwovizwa SSA a		Nimewo verifikasyon ka a	
<p>Rezòn ki fè yo bay Avi TNC sa a:</p> <p><input type="checkbox"/> Nimewo SSN lan pa koresponn: Non an ak/oswa dat nesans yo antre pou anplwaye sa a pa koresponn ak sa ki nan dosye Administrasyon Sekirite Sosyal (Social Security Administration) yo.</p> <p><input type="checkbox"/> Nimewo SSN lan pa valid: Nimewo sekirite sosyal yo antre nan E-Verify la pa valid selon dosye ki nan Administrasyon Sekirite Sosyal (Social Security Administration) yo.</p> <p><input type="checkbox"/> SSA pa kapab konfime estati sitwayènte Amerikèn lan: Estati sitwayènte ke yo seleksyone pou anplwaye sa a pa koresponn ak sa ki nan dosye Administrasyon Sekirite Sosyal (Social Security Administration) yo.</p> <p><input type="checkbox"/> Dosye SSN lan pa verifyab, oswa gen yon lòt rezòn: Administrasyon Sekirite Sosyal la jwenn yon erè nan dosye anplwaye sa a.</p> <p><input type="checkbox"/> SSA pa kapab trete done yo: Administrasyon Sekirite Sosyal la jwenn yon erè nan dosye anplwaye sa a.</p>			

Enstriksyon pou patwon an

ENPÒTAN

Anplwaye a dwe siyen epi make dat la nan paj 2 Avi TNC sila a.

1. Revwa Avi TNC sila a (an prive) avèk anplwaye a leplito ke posib.
2. Asire ke non, nimewo sekirite sosyal ak mwa/ane nesans lan ki make sou anlè Avi TNC sa a, kòrèk. Si enfòmasyon sa a pa kòrèk, ou dwe fèmen ka sa a nan E-Verify epi se pou kreye yon nouvo ka avèk enfòmasyon ki kòrèk la.
ENPÒTAN: Si anplwaye a pa konn li, ou dwe li Avi TNC sila a pou anplwaye a. Si anplwaye a pa fin konprann angle twò byen, epi li pale Panyòl, Chinwa, Kreyòl-ayisyen, Japonè, Koreyen, Ris, Tagalòg, oswa Vyetnamyen, ou dwe bay anplwaye a Avi TNC sa a ki ekri nan youn nan lang sa yo, ke w ap jwenn nan 'View Essential Resources (Egzamine Resous Esansyèl yo)'.
3. Mande anplwaye a pou l make nan paj 2 si wi oswa non li pral konteste TNC SSA a.
4. Mande anplwaye a pou l siyen epi make dat la sou Avi TNC sa a, nan paj 2, apres a siyen epi make dat la oumenm nan espas yo bay pi ba a.
5. Bay anplwaye a yon kopi Avi TNC sa a ki siyen e ki ekri nan lang Angle epi anekse yon kopi nan Fòmèlè I-9 anplwaye a.
6. Endike nan E-Verify ke w te avize anplwaye a sou TNC a epi apres a klike sou 'Continue (Kontinye)'.
7. Suiv enstriksyon yo nan E-Verify pou w refere ka a oswa pou w fèmen ka a dapre desizyon anplwaye a.

REMAKE: Si anplwaye a deside pou l pa konteste Non-konfimasyon pwovizwa a, ou ka revoke l epi fèmen ka a nan E-Verify.

Mwen sètifye ke anplwaye sa a resevwa yon kopi Avi SSA pou anplwaye konsènan non-konfimasyon pwovizwa e ke anplwaye a pran desizyon ki make nan paj 2 Avi TNC sila a. Mwen sètifye ke anplwaye a li epi li siyen dokiman sila a. Mwen sètifye selon tout sa mwen konnen ke desizyon pou konteste oswa pou pa konteste Non-konfimasyon pwovizwa SSA a se te desizyon anplwaye a te pran libremman e ke patwon sa a pat nan oken sans bay anplwaye a presyon oswa fè l menas pou l pran desizyon asavwa si l ap konteste Non-konfimasyon pwovizwa SSA a oswa si li pap konteste l. Mwen sètifye ke anplwaye a ki gen non l make anlè Avi TNC sila a se moun ki siyen dokiman sa a nan paj 2 a.

Non patwon an		Non reprezantan patwon an	
Dat		Siyati reprezantan patwon an	

Enstriksyon pou anplwaye a

Pou ki rezon ou resevwa Avi pou anplwaye konsènan non-konfimasyon pwovizwa (Avi TNC) sa a

Patwon w lan patisipe nan EVerify, yon pwogram Depatman Sekirite Nasyonal Ameriken (U.S. Department of Homeland Security: DHS) ak Administrasyon Sekirite Sosyal (Social Security Administration: SSA) jere. E-Verify konpare enfòmasyon ou te bay sou Fòmilè I-9, Verifikasyon Elijibilite pou Travay (Employment Eligibility Verification), avèk enfòmasyon ki nan dosye gouvènman an, pou verifye ke w otorize pou travay nan peyi Etazini.

Ou resevwa Avi TNC sila a paske E-Verify endike ke enfòmasyon yo antre nan E-Verify la apatide enfòmasyon ki sou Fòmilè I-9 ou an pa koresponn ak enfòmasyon ki nan dosye SSA yo. Yo rele sa yon Non-konfimasyon pwovizwa SSA oswa TNC. Sa pa vle di ke ou bay patwon w lan enfòmasyon ki pa kòrèk ni sa pa vle di ke ou pa otorize pou w travay nan peyi Etazini.

Yon Non-konfimasyon pwovizwa SSA ka rive, si:

- Eitati sitwayènte oswa imigrasyon w chanje depi lè w te resevwa nimewo sekirite sosyal ou.
- Ou pat rapòte bay SSA ke w te chanje non w.
- Non w, nimewo sekirite sosyal ou oswa dat nesans ou te mal anrejistre nan dosye SSA yo.
- Gen yon lòt kalite erè nan enfòmasyon ki pa koresponn nan dosye SSA w la.
- Patwon w lan pat antre enfòmasyon w lan kòrèkteman nan E-Verify.

ENPOTAN

Avi TNC sila a pa vle di ou pa otorize pou travay ni sa pa vle di gen enfòmasyon ki pa kòrèk sou dokiman ou prezante a(yo) nan Fòmilè I-9 la. Si ou vle konteste Non-konfimasyon pwovizwa SSA a, se pou w ale nan yon biwo SSA. Lè sa SSA va revwa dosye l yo e li va mete yo ajou oswa fè koreksyon ladan yo, si sa nesèsè. Si ou deside pa konteste Non-konfimasyon pwovizwa SSA sila a, patwon w lan ka revoke w.

Sa ou dwe fè

Asire ke non, nimewo sekirite sosyal ak mwa/ane nesans lan ki make nan premye paj Avi TNC sa a, kòrèk. Fè patwon w lan konn sa imedyatman si gen enfòmasyon ki pa kòrèk. Si enfòmasyon w lan kòrèk, se pou deside si w ap konteste Non-konfimasyon pwovizwa SSA a epi avize patwon w lan sou desizyon w pran an.

Si ou **Konteste** (pran aksyon) Non-konfimasyon pwovizwa SSA a, ou dwe ale nan yon biwo SSA. Patwon w lan va voye ka w la bay SSA atravè E-Verify e li va ba w yon Lèt Referans. Lèt Referans lan va esplike w kouman pou lokalize yon biwo SSA e li va di w ki dokiman wap gen pou pote. Wap gen 8 jou ouvrab gouvènman federal rekonèt kòm jou travay, apati de dat patwon w lan refere ka w la nan E-Verify, pou w ale nan yon biwo SSA. Nan sèten sikonstans, sitwayen ameriken yo ki resevwa yon TNC SSA ka kontakte DHS pou rezoud TNC a.

Li enpòtan pou konnen ke patwon w lan pa ka pran okenn mezi negatif kont ou ni li pa ka revoke w paske ou ta deside konteste TNC a. Paj suivan an nan Avi TNC sila a bay yon rezime sou dwa w genyen yo.

Si ou **Pa Konteste** (ou pa pran aksyon) Non-konfimasyon pwovizwa SSA a, sa vle di ou chwazi pou renonse a opòtinite w genyen an pou rezoud TNC a. Ka w la ap vin tounen yon Non-konfimasyon Final otomatikman, sa ki vle di ke patwon w lan ka revoke w.

ENPOTAN

Konnen dwa w genyen yo: Li paj suivan an pou enfòmasyon enpòtan sou dwa w genyen selon lalwa.

Mwen chwazi pou: (tcheke youn)

KONTESTE Non-konfimasyon pwovizwa SSA a. Mwen koprann ke se pou mwen ale nan biwo Administrasyon Sosyal la sou 8 jou ouvrab gouvènman federal rekonèt kòm jou travay, apatide dat ki sou Lèt Referans SSA a.

PA KONTESTE Non-konfimasyon pwovizwa SSA a. Mwen chwazi pou mwen renonse a opòtinite pou konteste Non-konfimasyon pwovizwa SSA a. Mwen koprann ke patwon m nan ka revoke m.

Siyati anplwaye a

Dat

Si w gen kesyon sou sa w gen pou fè, kontakte E-Verify nan 888-897-7781 (TTY [pou moun ki soud oswa bèbè]: 877-875-6028) oswa voye yon imèl nan E-Verify@dhs.gov. Si w gen kesyon pou pratik enjis nan afè travay ki gen pou wè ak imigrasyon (Special Counsel for Immigration-Related Unfair Employment Practices) nan nimewo pou apèl gratis la ki se 800-255-7688 (TTY: 800-237-2515).

Konnen dwa w genyen yo:

- Patwon yo pa ka itilize E-Verify pou fè seleksyon oswa pou fè yon verifikasyon preliminè sou moun k ap aplike pou travay yo. Se pou yo itilize E-Verify pou tout nouvo anplwaye yo kèlkeswa orijin natif natal yo, estati sitwayènte yo oswa estati imigrasyon yo.
- Patwon yo pa ka itilize E-Verify pou verifye anplwaye ki la deja yo amwenske patwon an aktyèlman yon kontraktè federal ki gen yon Klòz Règleman Akizisyon Federal ki konsène E-Verify (Federal Acquisition Regulation E-Verify Clause) nan kontra federal li a.
- Se pou patwon yo afiche vizibleman 'Avi sou patisipasyon nan E-Verify' la ak 'Afich sou Dwa pou travay(yo)', nan lang Angle ak Panyòl.
- Patwon yo dwe bay yon anplwaye ki resevwa yon Non-konfimasyon pwovizwa (TNC) yon kopi 'Avi pou anplwaye konsènan non-konfimasyon pwovizwa' a. Avi TNC a gen enfòmasyon ladan l sou kouman pou konteste yon TNC.
- Patwon yo pa ka pran okenn mezi negatif kont yon anplwaye. Sètadi, yo pa ka: revoke anplwaye a, mete l nan sispansyon, pa peye l lajan salè li, pa ba l fòmasyon, retade dat pou l kòmanse travay la oswa mete kèlkeswa limit sou travay li, baze sou desizyon anplwaye a pran pou l konteste yon TNC oswa paske ka anplwaye a annatant toujou avèk Depatman Sekirite Nasyonal Ameriken (DHS) oswa Administrasyon Sekirite Sosyal (SSA) a.
- Patwon yo dwe bay yon anplwaye yon Lèt Referans pou DHS oswa SSA, si anplwaye a deside konteste Non-konfimasyon pwovizwa a. Lèt Referans la gen ladan l enstriksyon ak enfòmasyon pou anplwaye a, sou moun pou kontakte nan ajans lan.
- Patwon yo dwe bay anplwaye yo wit jou ouvrab gouvènman federal rekonèt kòm jou travay, apatide dat E-Verify refere dosye a, pou yo ale nan yon biwo SSA oswa pou yo kontakte DHS pou yo konteste Non-konfimasyon pwovizwa a.
- Patwon yo ka revoke anplwaye yo sèlman apre yo resevwa yon Non-konfimasyon Final, oswa apre yon anplwaye deside li pap konteste yon Non-konfimasyon pwovizwa.
- Patwon yo pa ka itilize E-Verify pou yo verifye anplwaye ki la deja yo e ke otorizasyon travay yo ekspire. Olye yo fè sa, se pou patwon yo ranpli Seksyon 3 nan Fòmilè I-9 la, Verifikasyon Elijibilite pou Travay, oswa se pou yo ranpli yon nouvo Fòmilè I-9.

Si w bezwen plis enfòmasyon sou E-Verify, ak enfòmasyon sou règleman nou yo konsènan enfòmasyon prive ak règ pwogram nou yo, ale sou sit entènèt E-Verify la nan www.dhs.gov/E-Verify.

Rapòte vyolasyon

Si w panse ke patwon w lan pa respekte règ E-Verify yo, oswa ke li te diskrimine kont ou oswa li te trete w defason enjis, n ap ankouraje w pou rapòte sitiyasyon sa a. Pou w rapòte ke patwon w lan abize sistèm E-Verify la, ke li pa respekte règleman sou enfòmasyon prive, oswa si w gen plent jeneral sou E-Verify, kontakte Liy Asistans E-Verify pou anplwaye yo nan 888-897-7781 (TTY: 877-875-6028) oswa voye yon imèl nan E-Verify@dhs.gov.

Pou rapòte diskriminasyon nan travay ki baze sou estati sitwayènte, estati imigrasyon, orijin natif natal, oswa lòt abi nan sistèm E-Verify la, kontakte Depatman Lajistis, Seksyon Dwa Sivil, Biwo Konsèy Espesyal pou Pratik Enjis nan afè Travay ki gen pou wè ak Imigrasyon (Department of Justice, Civil Rights Division, Office of Special Counsel for Immigration Related Unfair Employment Practices) nan 800-255-7688 (TTY: 800-237-2515). Si w bezwen plis enfòmasyon, ale nan sit entènèt Biwo Konsèy Espesyal la nan www.justice.gov/crt/osc.